



# Bila isteri main kasar...

► **HASLEEN BACHIK**

hasleen@sph.com.sg

KAUM wanita kerap disifatkan kaum yang lemah. Tetapi kelengkapan dapur seperti senduk, kualiti dan batu lesung terbukti pernah menjadi antara alat yang digunakan membantai lelaki bergelar suami.

Ini belum termasuk suami yang ditampar, diterajang, dicubit dan dicakar isteri.

Namun, meskipun terdapat kesan tanda dan lebam di tubuh mereka, suami yang menjadi mangsa deraan isteri rata-rata lebih selesa tidak memperbesar-besarkan isu tersebut, ujar Presiden Persatuan Adam, Haji Abdul Mutalif Hashim.

“Orang lelaki ini kalau ke depan pun bukan kerana dia kena pukul. Selalunya ia cerita sampingan dalam cerita utama mereka.

“Kalau setakat gaduh, mereka memang boleh cakap. Tapi kalau pasal kena pukul bini, susah mereka nak luahkan,” dedah Haji Abdul Mutalif.

Hendak menyerang balas ia dianggap tidak *gentleman* atau mungkin mereka tidak dibesarkan dalam keluarga yang memukul bantai.

Hendak mengadu nasib, tindakan itu disifatkan sebagai tidak *maco* pula. Akhirnya, ia dipendam dan mereka menderita dalam diam.

Ekoran sikap kebanyakan lelaki yang lebih tertutup, Pengarah Pusat Hab Perkahwinan Angkatan

Karyawan Islam (AMP), Cik Zaleha Ahmad, percaya jumlah suami yang menderita ekoran didera isteri – secara fizikal, psikologi dan emosi – mungkin lebih banyak daripada yang dipapar dan dilaporkan dalam perengkaan.

Menurut statistik pihak Mahkamah Rendah, sepanjang hampir tiga tahun lalu, 53 peratus isteri telah memohon mendapatkan Perintah Perlindungan Peribadi (PPO) agar dilindungi daripada suami mereka tetapi hanya 11 peratus adalah permohonan pihak suami agar dilindungi daripada isteri.

PPO biasanya mencerminkan petanda kekasaran yang mungkin berlaku melibatkan kedua pihak.

“Mendera biasanya adalah simptom masalah lebih besar yang perlu diselongkar. Kebanyakannya bermula dengan titik pencetus. Ada sesuatu berlaku pada perhubungan suami isteri sehingga menyebabkan hilangnya kepercayaan,” tambah Cik Zaleha.

Walaupun demikian, sesetengah suami percaya membungkam adalah huraiannya.

“Ada yang ingat kalau dibiarkan, masalah itu akan selesai. Mereka kata nak kena sabar dan berdoa. Tapi sabar dan doa saja tidak cukup,” tambah Haji Abdul Mutalif.

---

**Laporan lanjut**

Muka 8 & 9